

名山縣志卷十三

知縣事遵義趙 懿纂輯

選舉

進士

宋陳 獬興紹興

黨雄飛紹興

喻大中隆興

明葉桂章正德丁丑有傳

晏朝寅萬曆己丑有傳

舉人

明姜朝士洪武

王文秀洪武

古 鑑永樂

王 冕永樂

劉 忠永樂

郝 暹永樂

名山縣志卷十三

選舉

王 麟正統

劉 璋宏治

葉桂章正德丙子解元

陳 頤嘉靖

陳 生嘉靖

陳應正嘉靖有傳

晏朝寅萬曆

晏 焯崇禎有傳

國朝李登洲乾隆丙辰有傳

胡 鑰乾隆乙酉

穆念貽乾隆庚子

閔一德字咸有嘉慶甲子閩中教諭有傳

羅聲宏嘉慶癸酉

楊桂修字梯雲道光辛巳

岑鳳苞道光庚子恩賜

陳善言字廣唐咸豐辛亥有傳

馮朝傑字芝珊咸豐壬子

鄭濟川字海樓咸豐壬子

樊 包字鐵壩咸豐戊午有傳

魏含忠字古臣恂昌子咸豐戊午陝西府谷知縣

彭廷燮字理堂咸豐戊午

高人傑字俊庵雅安學籍同治甲子監源教諭



趙炳章 字文山雅安學

胡體仁 字樂山同

高汝璠 字煥堂歲貢元

施建章 字龍山雅安學籍

張錫衡 字與九雅安學

閔 鑿 字雅堂光

李聯魁 字玖齋光

恩貢

國朝胡 深 字非池康熙三

何元吉

梁在崑

陳尙志

王世翔 乾隆三

謝廷賢 乾隆四

劉命詔 乾隆五

胡廷宣 字希揚歲貢方

徐景清 嘉慶

姚文彬 府學嘉

吳中選 嘉慶

高遷喬 嘉慶十

名山縣志卷三

選舉

胡述琬 字重西 恩貢定宣

戴前徽 嘉慶二

胡成學 道光

胡述琳 道光十

趙維新 字靜齋道

王國賓 道光二

夏雨之 字沛然道

楊立程 府學咸

高 桂 字天香府學咸

施建中 字鼎齋咸

李瀛陞 咸豐

柏鼎元 字星齋咸

李林筠 咸豐

蔣德高 字琴山咸

戴前哲 咸豐

王德樊 雅安學籍府學

龍作霖 同治

戴明哲 字鏡堂同

龔子京 同治

高步蟾 字雲橋同

郭 青 字輔臣光

馬相之 字南臯府學

張其訓

字學古府學
光緒四年

吳文評

字鑑堂府學
光緒七年

趙銘泉

字墨卿光緒十三年

楊齊賢

字思齋光緒十六年

拔貢

明晏國柱

字子石朝賓子
天啟北京經歷司

國朝李登洲

雍正
巳酉

汪天佐

雍正
巳酉

鍾華承

乾隆
辛酉

胡秉彝

乾隆
癸酉

周銓德

乾隆
乙酉

胡述恭

字敬美乾隆丁酉
南部訓導有傳

閔一德

乾隆
巳酉

劉國樑

嘉慶
辛酉

胡基

字植堂嘉慶
癸酉

李一林

字果香道光
乙酉

簡成彬

字裁之歲貢清子
道光乙酉有傳

胡秉珩

字玉山道光
丁酉

蕭欽

字肅齋道光
丁酉

施國慶

字積堂思貢建
中子道光巳酉

名山縣志卷十三

選舉

三

毛肇文

字琴譜咸豐
辛酉南充教諭

蕭良選

字升三拔貢欽子
府學同治癸酉

周鳳麟

字瑞卿歲貢書子
同治癸酉金堂教諭

吳福連

字梓材光緒
乙酉

胡國甫

字新柏光緒
丁酉

副貢

明晏如嶠

字雲房朝寅
子崇禎巳卯

國朝陳獻瑞

乾隆
庚辰

王在京

乾隆
甲午

羅純修

乾隆
乙卯

周宗泗

嘉慶
巳卯

鄭顯誠

道光巳酉
恩賜

張曾鰲

字海山咸豐
巳未

吳士恆

同治庚午
恩賜

李南之

同治庚午
恩賜

賈朝賓

同治癸酉
恩賜

優貢

國朝穆念貽

吳之英 字伯錫光緒壬午灌縣訓導

歲貢

明晏如岷 字雲巾萬曆

劉長作 萬曆洪雅訓導

晏如巖 字雲府崇禎

晏煜 字少文天啟丹稜教諭

國朝晏仍雲 字續其康熙

倪泰 仁懷訓導

馬開

胡灝 字非乾康熙

彭宗賢

程雲

程法 雍正五年綦江訓導

李錦孫

沈達

蒲在湄 鄧都訓導

王景新 新繁訓導

王吉士

名山縣志卷三

選舉

四

王簡臨

王曰惠

王應詔

白履泰

張賡

張炯

穆銓麟

王階

劉演

羅賓

鄭萬傑

李登瀛

程師言

胡方開 字文起乾隆有傳

劉心全

馮國相

李承祐

郝連第

胡方閏 字俊超恩貢深子乾隆屏山訓導

李登洲

劉統元

趙子明

王在京

龍騰遠

徐朝俊

穆世楷

徐朝寅

王繩武

陳源安

趙成璧

胡述哲

字智美成都訓導有傳

劉定紳

李華基

黃文煥

胡三恪

魏萬選

楊賁思

李新方

張文郁

胡述敬

字誠意安岳訓導有傳

周嘉謨

徐健思

高士綸

王恂彥

名山縣志卷三

選舉

五

晏懷敬

羅純德

有傳

沈應都

簡清

岑鳳苞

鄭加忍

王際昌

郝祖賢

朱正揚

府學嘉慶五年

李文蔚

蘇泐

鄭廷才

周宗濂

魏恂昌

字謹齋道光舉人含忠父

高元愷

張人龍

舉人閔銓業師有傳

楊文德

彭述古

吳紹雲

張元勳

簡成材

蘇邦彥

石銘騫 府學道光二十八年

羅聲華 府學咸豐元年

周作賓 字觀亭 咸豐

王炳麟 咸豐

王體乾 字健堂 咸豐

龐騰閣 字蘭亭 咸豐有傳

鄭維新 字咸與

劉仕熙 字笏臣

劉枝桂 咸豐

夏汝謙 字吉庵 恩貢 雨之子

王錫光 字謙山 雅安 學籍咸豐

劉嗣唐 咸豐

高樹勛 府學同治元年

周作霖 字雨亭 同治

柏心元 字一齋 府學同治五年

胡文楷 字香亭 府學同治八年

張必達 字雲達 同治八年

高明謙 字虛谷 同治

鄭廣淵 字玉泉 舉人 濟川 府學同治十二年

蕭長遂 字達三 拔貢 欽子 同治二年

高汝瑤 字蘊山 歲貢 元愷子 光緒

胡自南 字瑞亭 拔貢 基孫 光緒

名山縣志卷十三

選舉

六

蔣堃 字培山 光緒

閔盩 字雅堂 光緒元年

馬獻之 字禎廷 光緒

文炳 字叶五 光緒四年

胡國毅 字健庵 光緒

王敬德 字懋齋 光緒七年

吳鎮山 字靜庵 府學 光緒七年

張希程 字雪門 光緒

曾宗泗 字敬堂 光緒十年

劉元勳 字叙九 光緒十年

周發祥 字福齋 府學 光緒十年

李廷禎 字棟齋 府學 光緒十三年

宋向榮 字仁山 府學 光緒

胡國柱 字小欄 光緒十三年

劉翼沅 字平階 歲貢 仕 熙子 光緒六年

宋文耀 字述堯 光緒十六年

蕭良進 字德三 光緒十六年

周蘭薰 字九香 副貢 宗泗孫 光緒十九年

胡國燭 字小亭 歲貢 文 楷子 光緒二十二年

武舉科分不詳

龐鳳閣

劉天映

宋明光

宋三剛

雷相臣

李騰元

柴秉忠

王廣

胡躍龍

吳文邦

樊增

劉廷傑

孟興邦

龐世中

龐世騏

吉光宗

鄭顯猷

劉三剛

何青雲

葉逢春

何其昌

李現龍

李毓靈

鄭加蔭

李本中

劉揚仲

劉秉莖

趙國棟

蕭逢春

蔣洲鼎

李國定

吳樹邦

王鳳剛

楊輔臣

李遇春

列傳一 人士

名山縣志卷三

列傳一

蜀漢王謀

字元泰陳壽蜀志楊戲季漢輔臣贊少

府修慎註王元泰名謀漢嘉人也有容止操行劉璋

時巴郡太守還為州治中從事先主定益州領牧以

為別駕先主為漢中王用荆楚宿士零陵賴恭為太

常南陽王柱為光祿勳謀為少府建興初賜爵關內

侯後代賴恭為太常恭柱謀皆失其行事故不為傳

又大將軍蔣琬問張休曰漢嘉前輩有王元泰今誰

繼者對曰至於元秦州里無繼况鄙郡乎其見重如

此

華陽國志先漢士女目錄修慎少府太常關內侯

王謀字元泰雲南太守張休闕右二人漢嘉人士

在劉氏世按張氏事行不傳志載獠亭之敗張休
李盛在前違丞相亮節度並馬謖戮之以謝眾豈
卽其人與

衛繼

蜀志衛繼字子業漢嘉嚴道人也弟兄五人

繼父爲縣功曹繼爲兒時與兄弟隨父游戲庭寺中
縣長蜀郡成都張君無子數命功曹呼其子省弄甚
憐愛之張因言晏之間語功曹欲乞繼功曹卽許之
遂養爲子繼敏達夙成學識通博進仕州郡歷任清
顯而其餘兄弟四人各無堪當世者父恆言己之將
衰張明府將盛也時法禁以異姓爲後故復爲衛氏
屢遷拜奉車都尉大尙書忠信篤敬爲眾所推鍾會
之亂遇害成都按寰宇記作字子萊蜀左尙書列雅
州人物府志載入名山今從之

晉馮遷

通志晉書毛璩傳遷漢嘉人桓靈寶傳靈

寶敗入江陵欲出漢川投梁州刺史桓希時益州刺
史毛璩使其從孫祐之參軍費恬送弟璠喪葬江陵
有眾二百弟子修之爲靈寶屯騎校尉誘以入蜀靈
寶從之達枚回洲恬與祐之迎擊靈寶益州督護馮
遷抽刀而前靈寶拔頭上玉導與之乃曰是何人耶
敢殺天子遷曰欲殺天子之賊耳遂斬之安帝紀光
興元年五月督護馮遷斬桓靈寶於狕盤洲宋書毛
修之傳安帝反正修之父瑾爲譙縱所殺高祖表修

之爲龍驤將軍與益州刺史司馬榮期西討修之至
宕渠榮期爲參軍楊承祖所殺修之使參軍嚴綱等
收兵漢嘉太守馮遷率兵來會討承祖斬之劉懷慎
傳元嘉遂甯太守馮遷按遷歷典方州誅鋤凶慙而
史不爲立傳事行軫所考述王韶之晉紀桓玄之初
奔也經日不得食左右進粗粥咽不下子昇抱玄胸
撫之玄悲不自勝至故鄉洲益州都護馮遷斬玄於
此洲斬昇於江陵通志漏引此節

宋曹光實

宋史本傳雅州百丈人父疇爲蜀靜南
軍使控扼邛崃以捍蠻夷光實少武勇有膽氣輕財
好施不事細行意豁如也疇卒光實嗣職遷永平軍

名山縣志卷三

列傳

七

節度管內捕盜遊奕使乾德中太祖命王全斌等平
蜀俄而盜賊羣起夷人張忠樂者羣行攻劫憾光實
殺其徒黨率眾數千中夜奄至環其居光實負其母
揮戈突圍以出賊眾辟易不敢近賊殺其族三百餘
口又發冢墓毀棺槨光實詣全斌具以事白誓雪憤
時蜀中諸郡未下乃圖雅州地形要害兼陳明用兵
攻取之策請官軍先下之全斌壯其志令率兵先導
果克其城獲忠樂全斌乃署光實爲義軍都指揮使
賊寇猶據沈黎光實以所部盡平之遂以光實爲黎
雅二州兼都巡檢安集勞來蠻族懷之六年秋全斌
遣入貢京師遂言境內安乂乞羅義軍歸農太祖喜

謂左右曰此蜀中傑俊也詔升殿勞問久之以爲黎
州刺史及平交廣羣盜未息以光實爲嶺南諸州都
巡檢使既至捕逐羣盜海隅以甯太平與國二年就
遷本州團練使車駕征河東以光實知威勝軍事令
調軍食光實入告願提一旅奮銳先登帝曰資糧事
重亦足宣力河東平命爲汾遼石沁等州都巡檢使
大軍北征與潘美分道出雁門光實爲前鋒遇敵迎
擊敗之斬首數千級優詔嘉獎李繼俸之入朝也以
光實爲銀夏綏麟府豐宥州都巡檢使繼俸弟繼遷
巡入蕃落爲邊患光實乘間掩襲至地斥澤俘斬甚
眾破其旗帳獲繼遷母妻及牛羊萬計繼遷僅免使

人給光實曰我數奔北勢窘不能自存矣公許我降
乎因致情歎陳甥舅之禮期某日降於葭蘆川光實
信之及期繼遷先設伏兵令數十人近城迎致光實
從數百騎往赴之繼遷前導北行將至其地舉手麾
鞭而伏兵應之光實遂遇害卒年五十五帝聞之驚
悼贈賻加等以其子大理評事克讓爲右贊善大夫
克恭爲殿值洎化二年又錄克己爲奉職後至內殿
承制克廣至閤門祇候與地紀勝光實爲國破賊爲
親報仇我太祖稱爲真奇士按今崇祀鄉賢

曹光遠

曹光紹

與地紀勝國初曹光實光遠光

紹兄弟三人有平靖南之功光實五子曰克遜克恭

克己克廣克用光紹二子曰克仁克忠光遠三子曰
克利克明克勤十人皆從其父兄建功忠烈凜凜里
人列三祠以祀之以十將配享朝廷賜號三神廟在
百丈縣永軍里今廢

曹克明

宋史曹光實傳從子克明字堯卿既生會

敵攻百丈縣父光遠遇害姆抱克明匿葦蒲中得免
既長喜兵法善騎射從父光實奇之補爲衙內都虞
候光實擊敵於葭蘆川戰歿克明時護輜重在後聞
光實死懼軍亂祕不發喪陽令人西來傳光實命還
軍銀州而潛與僕張貴入敵中獲光實尸以還繇是
顯名初蜀人留京師者禁不得還鄉里克明以母老

名山縣志卷三

列傳一

九

間道歸李順反聞克明將家子且有名欲脅以官克
明攜母遁山谷夜止神祠中夢有人叱之起既覺而
去賊果至及賊陷雅州克明募數萬人以迎王師遂
復名山火井夾門等九縣分兵嘉眉邛三州立七砦
以邀賊復收雅州斬六十餘人蜀平擢西頭供奉官
黎州兵馬監押以餘寇未息權邛州駐泊巡檢明年
峽路潰卒鄧紹等復起攻雅州克明又平之入朝改
內殿崇班爲温台等七州都巡檢使景德中變寇邕
州改供備庫副使知邕州左右江蠻洞三十六克明
召其酋長諭以恩信是歲承天節相率來集克明慰
拊出衣服遺之感泣而去宜州澄海軍校陳進反時

鬱江暴漲州城摧圮克明率丁夫伐木爲連舫維之水上狀如邗郭又多張旗幟浮巨楫陳兵其上爲守禦備募溪峒兵三千而黃象盈亦濟兵千五百將趣象州會巡撫使曹利用約克明會兵行次貴州遇賊大敗之斬首四百餘級賊平利用專其功代還眞宗問南方事對稱旨賜一子官遷供備庫使江淮兩浙都大提舉提賊克明使人捕賊輒出私錢資之以故人人盡力視賊中趨勇者釋縛使還捕其黨前後獲千餘人知江甯府張詠以其事聞賜錢四十萬領平川刺史知辰州濩水蠻叛徙宜融桂昭柳象邕欽廉白十州都巡檢使兼安撫使旣至蠻酋獻藥一器曰

谿洞藥藥箭中人以是解之可不死克明日何以驗之請曰試以雞犬克明日當試以人乃取藥箭刺首股而飲以藥卽死羣蠻慙懼而去未幾知桂州兼勻谿峒公事始置溪峒司又奏閱廣南兩路土軍爲忠敢軍州人覆茅爲屋歲多火克明選北軍教以陶瓦又激江水入城以防火災代還知滁州徙鼎州會交址李公蘊寇邕州以文思使復知邕州旣至遣人入交址諭以利害公蘊拜表謝罪遷西上閣門使厯知登舒邵三州復徙鼎州卒輿地紀勝李順之亂攻復雅州復平諸溪洞賊賜推誠保順功臣按今崇祀鄉

元趙榮祖

通志名山人任江源令子賢任嚴道尹

時人語曰名邑趙氏流芳大同父子相繼五受朝封
深入吐番屢建奇功食祿獲賞垂世無窮今崇祀鄉
賢

趙賢 榮祖子爲嚴道尹有惠政崇祀鄉賢

據府志

明葉桂章 字少莪其先江西桂溪籍幼穎敏善詞
章正德十一年丙子鄉試第一明年丁丑登舒芬榜
進士改翰林院庶吉士授編修累官至侍講初桂章
妻彭氏繅絲忽作微赤色心異之易盆水純用白繭
色愈鮮明赤白相間皆成貝錦人以爲當兆絲綸已
而果然嘉靖三年與學士豐熙同官新都楊慎盤屋

王元正等疏爭大禮不獲命七月朝罷偕廷臣伏左
順門力諫世宗震怒命執首事豐熙等八人下詔獄
於是又偕慎元正撼門大哭聲徹殿庭帝益怒悉下
詔獄廷杖之既而慎謫戍永昌姦人錦衣百戶王邦
奇素憾慎父故大學士廷和連構大獄五年上書誣
許廷和以桂章其鄉人也指桂章及廷和次子兵部
主事惇女壻修撰金承勛與兵部尙書彭澤弟冲交
關請屬俱逮下詔獄鞠治無狀獄久乃得解卒祀鄉
賢墓在城南郭文昌宮左側父老傳爲衣冠墓云

趙怡蒙陰襍記葉少莪墓在紫霞山文昌宮左側

其後裔式微遠居歲時展省或至或否然其家至

今及父老相傳皆以謂少峩實被廷杖以死此其
衣冠冢云余嘗疑之按大禮之獄其時詹事翰林
給事御史及六部諸司大理行人諸臣各具疏爭
竝留中不下羣情洶洶及金水橋南遮留俱跪伏
左順門不起其著於史者二百三十人而翰林之
官則以學士豐熙修撰楊慎檢討王元正爲首外
則掌詹事府侍郎賈詠侍講張璧修撰舒芬楊維
聰姚涑張衍慶編修許成名劉棟張潮崔桐王三
錫余承勛陸鈺王相應良王思檢討金皋林時及
桂章凡二十有二人迨撼門大哭遂盡繫詔獄旋
命杖於廷人杖三十若其踰旬再杖病創先後以
死者史稱十有七人日給事中張原毛玉裴紹宗
日御史張日韜胡瓊日郎中楊淮胡璉日員外郎
申良張燦日主事安璽仵瑜臧應奎余禎殷承叙
日司務李可登而翰林則王思王相二人而已少
峩此時若死豈有不並著者况王邦奇獄與少峩
以楊文忠鄉黨專被指訐事且復見後二年益足
以明前此之未死矣然此言所流豈盡無因余意
當日廷杖之後甫及二載又逮下詔獄嚴受鞠治
事雖已解身亦旋卒既未生還骨且不歸鄉人慕
思乃取衣冠爲墓以表式閭里而遞遠傳說差訛
芒邈祇存其概亦事之所或然者乎又通志府志

俱載少峩中正統丙子鄉試第一宏治中登舒芬
榜進士今考史正統十四年間紀年並無丙子而
舒芬乃正德十二年舉進士第一授修撰亦不登
第於宏治此其爲訛誤明甚蓋武宗正德十一年
實爲丙子少峩鄉解當在是年其明年丁丑遂聯
捷禮闈登舒芬榜第耳又按大禮之獄史於何孟
春傳少峩名列編修後二年王邦奇獄則書其官
曰侍讀又見楊廷和傳是少峩遷擢侍讀即在嘉
靖四五年中志所稱累官至侍講史無所見則不
可得而攷矣春游紆訪其墓題一絕句云幼婦繅
盆五色絲果然雲錦獻天墀傷心金水橋南後又

名山縣志卷三

列傳一

爲鄉人對獄辭歸而記辨於冊如此且付寺僧後
其家上冢來者苟識文墨當以吾言告令知之

太湖石雲峰禪林寺碑記蓋聞不生不滅法界超
於無聲若存若亡神功妙於罔象雖以寂滅爲宗
瀾倒於形枯之列實與儒紳同術觴濫於性善之
源故善學者得其旨歸皆名曰教而忘返者失之
茫昧莫造其門是以遠自漢家已混源於中土繼
經唐代尤散派於寰區邪正之辨雖嚴莫解愚氓
之惑經常之風未振難逃賢者之譏是以金容象
座每據名區鷲嶺龍宮恆依勝槩榮經居天下西
南山水奇特邑有瓦屋之勝雄視峩眉俗傳辟支

普賢道場攸在神燈光相佛日依稀距縣治南七
五里許地名太湖寺曰雲峰中有奇石崩勞峭拔
天成昔爲太湖神龍之所窟宅泉稱聖水甘美弗
竭按古碑銘其寺始創於唐賜額於宋天祐間至
元兵燹頽圯逮國朝天順六年鄉民黃福壽王貴
等興滅起廢延西僧朋山暨厥徒祖超鼎建梵宮
聿興清教宏治正德間屢次增修毘盧殿善法堂
佛殿經樓天王金剛等殿及西廡齋室俱極美觀
至正德丁丑超因年邁乃遴選厥徒祖慶道應周
充住持續徒道慈道智同心協贊於是鑿山伐木
庀工集財增飾前功敷賁淨業琳宮紺宇蓋煥然
而一新矣至嘉靖丙戌歲厥工告成極大偉觀居
者神曠過者目眩西南名利遠邇播越若超者誠
有力於內典克廣拓於宗風矣間以徒走書丐余
爲記夫不相爲謀豈能暢厥宗旨然而因彼有覺
或可冀其超悟故夫虛往實歸豈盡大千之旨入
誠出妄方爲不二之門息心是歸淨行攸處期上
微妙之臺求昇智慧之界則非徒結宇山椒庶亦
闡靈空谷宗風不泯民俗不眩永曜厥名邇相厥
成來者不迷悠哉可述嘉靖八年歲次己丑黃鐘
月二十八日庚申

洪雅縣宿勝上人山房有懷詩二首憶昔旻公室

經年臥白雲心隨鶴定身與鹿麋羣故事今須
問禪關遠欲聞卽尋南劍路遺落北山文憶昔叩
禪關俄驚十載還可人青眼在浮世白雲閒嶺下
曾眠榻山間久病顏卻愁臨水面照見鬢毛斑

[出郭詩]雨餘忻出郭山迴快登樓霧裏尋花徑林
邊度綵輶乾坤留勝概臨望藉銷愁回首思陳迹
吾生信已浮 [遊周公山詩]春日登尋雨後山翠

微只在白雲間漁舟遠集從江渡鳥道遙隨曲磴
攀小隊元戎憐共往輶軒客子喜乘閒臥龍欲作
岐周鳳千載空餘虎豹關

陳應正

[通志]字國啟嘉靖順天舉人任教諭陞貫

名山縣志卷三

列傳一

三

州鎮遠縣清操素著未幾解組行李蕭然平生以孝
行聞卒祀鄉賢

晏倫

字西野廩生初任景府典簿尋授湖廣長沙

醴陵縣知縣轉陞戶部福建清吏司主事清操素著
卒祀鄉賢勅於本縣建坊今坊在縣署之左顏曰綸

綍褒賢

據晏氏家譜

晏朝寅

字鴻埜倫次子萬曆乙酉舉人已丑進士

改翰林院庶吉士歷官戶部廣西司郎中監督山東
河南糧儲道分巡廣西桂林道兼攝永甯兵備道廣
西布政使司左參議兼按察使司簽事在官廉平有
守不愧官方卒祀鄉賢勅於本縣建坊今坊在縣署

之右顏日岷峨毓俊

據府志及家譜

晏朝賓

字光埜倫三子庠生官雲南昆明縣縣丞

呈貢縣知縣惠政著聞居官不苟卒祀鄉賢

據家譜

晏煒

字長文倫嫡曾孫崇禎丙子舉人官邛州直

隸知州在官以惜民為本力行善政卒祀鄉賢

據府志及家譜

家譜

國朝李蕃

字□□貢生本雅州人避難徙居名山以

授徒為業從遊者甚眾於貞元翻覆之際流離轉徙

猶復維繫文脈可謂鄉彥也已其綴紀時事頗具本

末錄其略云建南自崇禎十七年

大清順治元年逆賊張獻忠破成都遣張能奇攻雅州不

名山縣志卷三

列傳一

十四

克而返明年知州王國良以州城降張能奇屯平羌

渡大肆殘戮尸填羌江自與黎雅土司總岡山土豹

撕殺打糧四鄉綑縛男女人民死已過半四境蕭然

矣綿州舉人郝孟旋舉兵復雅州敗賊於名山與邛

州劉道貞攻邛不克退保沈黎時獻賊詭稱試士成

都黎雅士子皆赴之郝孟旋矯詔召還乃獲免於噍

類黎州大所干戶曹勳舉人范文苙率土軍來會於

雅劫虐甚於賊孟旋見曹范不足有為分兵駐洪雅

之花溪時悔恨連兵非刺曹范范文苙使人賊殺之

數歲饑饉頻仍疫癘大作斗米十金牛一隻百金人

民相食山川愁慘迨順治五年明總督樊一蘅遣楊

展副將文盾元遊擊黎雅嚴禁殺奪生民稍蘇七年
焚雅州弘化報恩兩番寺土夷董卜之巢穴也董卜
謀殺盾元故窮追勦之秋廣元伯嘉定楊展履畝而
稅給民耕牛獻賊餘黨袁韜武大定誘殺展使吳國
昌遊寇雅州仍履畝丈田八年孫可望聞楊展死遣
劉文秀入川攻建昌陷越嚮榮經襲曹勳於雅州取
之擒降袁武於嘉定舉兵東下九年平西王吳三桂
追擊劉文秀復敘州駐節嘉定分布雅州文破之於
保甯文秀敗歸雲南是年

大清設院試士保甯府雅黎亦有應試者十年文盾元據
雅州賊黨狄三品破之孫可望遣王有德遊擊雅黎
捕殺盾元至是州境又一變矣蓋雅屬一苦於獻賊
再苦於曹范三苦於袁武而文盾元者雖非忠良制
曹范拒袁武實廓清邊土以除民害者也十三年王
有德調歸雲南威甯伯高承恩來駐兵雅州設船廠
鐵局官庄馬厰殘暴役民征草糧上人稅擄民子女
每人稅銀二兩時劉文秀復出洪雅於千秋坪建王
城宮闕使蜀中有司紳士來此朝賀數月而反十六
年承恩養子郝承裔殺之自立爲討夷大將軍降平
西王復叛

大清兵攻雲南孫可望已於十五年降矣十八年平蜀水
陸並進郝承裔急焚雅城而走盡成焦土於是

天兵凱旋露布告成而上南州縣復遊於一統之世也
康熙五年修貢院於成都四方趨赴應試士氣漸作
十三年吳三桂忽叛於雲南遣王有德統兵入蜀成
都降僞將軍何德成駐雅州蹂躪騷擾又不堪言十
九年

本朝趙將軍良棟取成都王有德死副將岳天壽遊擊
黎雅禮士愛民人感其德趙將軍統全師進攻建昌
至三十四年撤兵州人始免輸役之苦我

朝

天恩高厚於二十一年發帑金給償百姓兵糧三十三年

又

詔免百姓丁糧惟官吏之中飽誅求尤有甚於正課至三
十五年總統天下都察院南充張鵬翮奉

簡命來蜀盡除一切無厭之征派司道州縣順風從化百
姓始沐

聖朝雨露如稿苗之復蘇也蕃爲學有心得

朝廷發帑金官吏乾沒入私囊蕃等上訴名山縣知縣
某坐贓治罪然往來讞審經二載蕃悔曰此皆忿不
思難之過也先正有云天下無難處之事只消兩箇
如之何天下無難處之人只銷三箇必自反學者必
務謹言慎行無論邦之治亂勿是非邦之大夫也嘗
爲寡慾戒怒二箴足以垂教蕃五歲失母其大母撫

憐之嘗中夜泣曰何日望得爾成人若無大母誰知
爾饑飽寒燠耶後患痘疹愈私語大母曰今可以報
奶奶恩也詰之不語所謂舉家嘻笑卒成學起家孝
弟篤實能爲傳人

據家譜

寡慾箴儒垂三戒其一曰色惟色之毒萬惡之慝
自昔哲人譬彼狼狽惡而畏之是遠是疏列情剔
累煉性藏精皮腹光潤耳目聰明精能化氣氣能
化神保合精氣可希上真彼昏不知以苦爲樂志
喪形雕髓枯髮脫不知衽占時及斧斲嗟哉斯人
已閱少壯若愛此身急須攝養道逢故人顧我一
笑曾幾何時忽焉醜老昨朝理髮古鬢飛霜衰態

名山縣志卷三

列傳一

七

相逼補救何方感茲遷謝未離火宅以石壓草嘗
恐復蘖金碧身外皆知寶惜命蒂壽元何輕自擲
戒怒箴爲學大要在理性情情所橫發惟怒難勝
其未發也霽月光風當其忿至毒霧障空動於父
子天性慘薄施於夫婦情誼乖惡兄弟罔翁朋友
少合虐及僕婢怨連間黨不思利害捷於反掌無
端眦裂忽然氣衝大惑不辨荆棘填胸舌如煙火
手似冰鐵一片清和平地沸熱未怒戒怒怒本無
因既怒持怒氣已昏昏我叩其原其人曰淺局既
褊狹容物斯鮮我抽其蔽其器曰躁胸不淵涵遇
事輒暴我息其焰道惟自反仁禮未盡橫逆自產

子思慎獨中節無愆顏子克己乃得不遷戒怒之
學先徹心體就怒止怒何啻千里

紀事詩崇禎

甲申前天運值陽九物態工奇淫人情藏險巖吏
治獵聲華文章乏忠厚生齒日鱗層芟柞遍培塿
桃達喜少年典型輕壽耆如彼枝葉凋根株已先
朽把抱曾殷憂潰堤誰固守一朝殺氣轉萬民始
奔走名都墮荒墟沃野成虛藪干戈任橫縱衣冠
徒躡蹠生者少完形死者已枯髑上帝豈不仁日
積漸已久遂無推挽人吾儕當其咎茲者十餘載
治亂宜尾首賤子耕釣間抱膝觀猷猷讌聚衣布
袍客來出瓦缶共知菽粟尊繁華不尙口試與山
翁飲幽意如元酒此中意已真靡俗勿再狂

名山縣志卷十三

列傳一

法

趙怡蒙陰襍記余遊名山訪求文獻於闕落之地
得明經李蕃所記

國初黎雅紀變一篇條理時事四十餘年間瀕洞昏塞
而本末詳盡足備史徵及觀寡欲戒怒二箴又知
其猛爲克己學道養氣人也余嘗論邑之人士自
蜀漢王謀史所稱少府修慎漢嘉前輩州里無繼
洎乎宋興曹光實兄弟父子忠孝節烈其君稱爲
俊傑竒士至今生氣凜凜是後卒鮮聞人矣至明及
國朝如葉桂章之風節晏朝寅之廉正樊包之忠勇與
蕃之近道亦頗有可稱者焉而蕃當世變貞晦存

繫不小有古隱君子之風矣

胡方開 字文起宋安定先生瑗之裔自泰安徙蜀以明經銓授州佐辭不赴任生平以孝友聞建宗祠置祭田修家譜條教子孫多嘉言懿德胡氏世好義舉自此君開之先也嘗捐六白金修邛州夾門關大石橋未完子定仁繼其志捐及千金乃成

據家譜

家譜自叙方開竊讀

聖諭廣訓有曰立家廟以薦蒸嘗修族譜以聯疏遠此聖王以孝治天下之要言也蜀之家有譜者鮮矣彼其大難蒙劫匪惟莫詳系代甚有子不能名其父孫不能名其祖者雖有孝子慈孫興水木之悲深

名山縣志卷三

列傳一

三

本源之痛畢智力以求次其祖先能保口出之而無舛譌耳聞之而無謬誤乎是可慨矣今幸沐

國家親睦之化已踰百年保聚數世譜可五服內外矣但習俗相沿家不立廟四時之祭率多闕典安問其譜牒何如故卽忠孝節義道德文章卓卓可紀者或散見於邑乘郡志而家反寂如至邊城下邑又並其乘與志而無之嗚呼潛德幽光與蕪草同磨滅者不可勝數矣葉茂枝繁勢然淆亂門戶各立情誼日乖喪祭冠婚秦肥越瘠世風之涼心焉悼之子閱前賢俱重修譜且子孫職分在所宜爲並無干名犯義之咎人亦何憚而不修之也哉矧

其所以修之者程式俱在據其所知創爲圖譜歷世相承自成鉅製予之殷殷於此者誠以譜也非譜也吾祖宗也抑吾兄弟子孫也若無譜卽無祖宗亦卽無兄弟子孫甯無子也幸而有子有譜不負有祖宗亦不負有兄弟子孫也至譜存而祖宗存兄弟子孫孝友嫻睦任恤合吾族世世長存則存譜者俾之而無不存也譜詎可忽乎哉時乾隆三十七年歲次壬辰七世孫歲貢生方開年八十
三敬撰

胡述哲 字智美號月山方開姪孫以明經銓授成都訓導厚重簡默教諸生如親子弟士林咸畏敬之

據家譜

胡述恭 字敬美號肅齋乾隆丁酉選拔授南部縣教諭解組歸年八十卒述恭孝友剛方坐立無跛倚勤於學終日手不釋卷寓日卽無遺忘善屬文尤長於詩縣令蔣東巖延修邑乘成若干卷子秉文字藹亭能世其學亦善詩文

據家譜

胡述敬 字誠意號懋齋明經銓授安岳訓導初在鄉時朔修文昌宮費資千餘金獨力以成赴任卽捐俸修葺黌宮恆謂事關名教卽屬吾儕之義不容辭者也爲人言論簡默循循然如玉之在璞間里稱慕

據家譜

羅純德 字□□貢生立品清端行誼堅懇乾隆間以雅州無府學請增學額於大府前後經十餘年費金至四千有奇猶不足復立醫家產以濟之久乃得增置府學教授一員歲科兩試文生十六名武生八名廩生十五名拔貢生一名士林至今永賴焉

張人龍 字潛夫廩生品學端方非公事不入公門士林重之

閔一德 字咸有嘉慶甲子科舉人德性純茂藹然儒者綽有文學爲鄉里所推敬今其孫盩通博能文知名當世光緒己卯復舉於鄉足以覘其家學

胡基 字植堂本姓鄧氏嘉慶癸酉科選拔未仕主講仰山書院十餘年多所培植門下生克自立者八十餘人創議卷局監修文廟書院凡有關文教者皆勇力爲之親壽百齡居喪時年近八十葬祭如禮廬墓百日而病終高縣學博張澍爲之志其墓曰倡教譚經卓有典型呼夢使覺扶醉使醒孫自南歲貢生品行端方能世其學

簡成彬 字裁之道光乙酉拔貢生胡壽昌蒙邑人士小傳天才雋逸辭藻宏麗胸次高潔不樂仕進常遊公卿大夫間創履爭迎殆無虛日晚年隱居百丈齒德並優芝蘭毓茂閭里榮之卒年七十有九

陳善言 字賡唐咸豐辛亥舉人明鄉賢應正裔居

家孝友好讀書不治生產簞瓢屢空晏如也幼嗜詩
古文詞與兄濟川馳聲庠序間及登賢書主講仰山
書院一言一動皆以身教弟子多所成就與彭廷燮
友善廷燮計偕北上乏貲卽傾館修百金助之其義
概類如此生平著述頗富兵燹後多散佚今僅存蒙
山志略凌雲山房詩鈔若干卷

賀見甫師詩九重優詔下西方萬里雄邊重夜郎
邛笮版圖歸統馭番夷出入在隄防旅平舊治懷
神禹擒縱威名溯武鄉

聖代卽今資保障銅標玉斧鞏金湯大渡河懷古諸葛提
兵大渡津不毛擒縱此躬親至今寶布輸琛賚自

昔青羌服遠臣瘴霧淒迷連藏嶺夷歌雜遝動瀘
濱試問真人揮玉斧何如銅柱建經綸夜雨獨坐
寒氣侵肌燭對燒間翻殘卷夜迢迢漏痕到處頻
移榻清夢難成恨種蕉往古來今無限事形單影
隻可憐宵邇來故舊音書絕憑仗何人慰寂寥丙
午下第後成詩共赴名場計五回江花筆底不曾
開羞看座主同門卷怕飲旗亭下第杯自識晚成
皆大器漫云濩落本無材幾經黠額休辭倦聞道
龍門我肯來渡峽一門關鎖萬峰回急峽濤聲井
底雷山欲高時天壓住地將合處水撐開舟從亂
石穿巖出人卻輕帆上嶺來安得巨靈劈山手節

平險阻任沿洄瑤台二首崑崙大地起瑤臺金碧
輝煌洵壯哉甜雪有時餐穆滿仙船無計到蓬萊
白雲黃竹歌聲渺翠水丹山輦路回問訊阿環經
幾轉秦宮漢殿已成灰雁柱鷓絃雜鳳笙宮商次
第各分明嶮山高會傳三疊弱水層臺告九成顧
曲應推秦弄玉步虛誰似許飛瓊卽看律呂鳴雄
配一曲仙香舞太平七夕次韻仲廷兄月佩雲鬟
霧影濃金風玉露一相逢纏綿離緒知多少無奈
紅塵動曉鐘中秋夜分韻賦詩二首諸君俱是參
軍逸擊鉢催詩奇思出月影分明白有三水光蕩
漾坡非一當筵幾度調琴瑟急管繁絃響未徹裂

石穿雲座有人一聲喚醒千山月

樊包 字鐵鏞一字心父咸豐戊午舉人幼卽岐嶷
目光射人及長性好武勇志氣沈雄慷慨歲庚申藍
逆犯境包集團練禦之與賊數戰賊呼包爲鐵牛畏
不敢入遁走青神明年賊以大股來包與賊戰於百
丈驛東河橋敗績名山不守包復收散卒擊平之先
後經四十餘戰殺賊數千賊乃西走制府駱文忠公
聞之檄包募勇擊賊時李逆據宜賓之八角砦包攻
之直搗其巢將拔矣尋遇伏死聞於

朝廷

詔以同知例賜卹勅於邑建專祠今祠在城東迎春坪

江源劉芬撰樊公建祠碑記古者讀書養氣原以扶綱常禦患災建不世之功垂不朽之烈凡夫大義所關胥不難以身任之非必規行矩步徒以冠服名儒且欲馳騁文墨雄據詞壇謂聲名爲天下冠而於世道人心曾無所補救於其間也樊君諱包字鐵鏞一字心甫名山人幼岐嶷隱有不凡之概父三錫邑廩生以訓課爲業成就多人君讀書日數行下年十四冠軍入邑庠旋食餼戊午舉於鄉其元配邑文生賈秉哲之女伉麗甚篤三年不育大母望孫綦切爲娶妾劉氏及期君對妻涕泣悲不自勝性好武習拳勇技擊雙目炯炯有慷慨

沈雄之志時屬尙承平嘗集鄉人子弟教以戰陳嚴修寨堡時人多非笑之庚申三月藍大順竄擾名邑城鄉蕩然君聚團練二十餘人大呼殺賊賊潰君禦名山界賊不敢逼八月賊破蒲江君率團數萬禦賊陳家營賊走丹稜君時出隊千人擊賊斃千餘賊遂由夾江遁入青神辛酉四月賊復至蒲君率團由彭榜山混入賊營而賊不知旣戰賊問鐵牛何往君誑以在前遽率眾揮劍斃賊十餘人賊遂退蓋賊譎鐵鏞爲鐵牛君謾應以誤之也六月賊以大股來君率勇三百分三隊而進戰於百丈山東河橋君敗績名邑不守君曰縣令邑之

安危所繫若不救護邑全潰矣遂匹馬尋覓於心
寺坪山頂獲其家屬復於雅邑中峰寺尋見令卽
蜿蜒曲折保護而逃復調集諸團與賊戰於石岡
老龍台等處殺賊數百人連夜追逐寢食俱廢
至名山城復斃賊千餘人賊仍由蒲邑退去君錄
團眾功績耳級五百餘器械衣物無算探得賊走
太平場君隨身僅十餘人進與賊戰瞋目大呼賊
聞驚逸君左右望林中呼噪賊疑有伏兵急前竄
君追奔三十里昏夜乃止是役也生擒賊一千餘
人翼日再戰賊再敗仍追至丹稜賊乃泗水遁去
濟河僅三百餘潛蹤不敢出九月賊復至名邑君
與賊戰復斃賊六百餘次日賊五路齊發君率十
七團開戰大呼藍賊敢來前徒殺婦孺無勇也賊
怒來撲君手斬五級不分晝夜勦殺尸橫二十餘
里賊住丹稜六十日君日攻賊復斃賊千餘尸填
溝壑賊遂西走制府宮太保駱公蒞蜀聞君敢戰
檄募勇勦賊君以千餘人赴召時李賊踞宜賓八
角寨君直搗賊巢殺賊數百人越二日奮勇先登
遇伏賊刺君股身受百刃猶厲聲呼賊不止賊亂
刀斫其首取元剖腹而去部卒同死者八人君年
三十五歲時同治壬戌五月十五日也

天子篤念死事詔以同知例賜卹建祠享祀嗚呼君可謂

死得其所矣賊自敘州來越嘉定眉邛至雅復由
雅至峩眉返竄雅之榮經繼又由蒲逼名邑逾年
又自蒲至名凡三次賊氛所至凡平時之自詡才
勇者靡不望風逃匿孰敢攖其鋒哉君獨不避勞
怨慨然堵禦殺賊至數千之多歷艱難窮困而百
折不回以視世之膺民社而日計溫飽賊至則苟
爲自全曾不以民命爲重者其忠節志趣奚翅霄
壤君平日多機警每紮營一夕屢徙賊探得其處
率眾來每得空營君嘗褻衣草履暮夜追賊不避
淋雨每戰身先士卒飢則以生茄豇豆果腹故團
眾爭奮前後四十餘戰以至尸骸遍地田稼踏平

竟成通衢死之日邑人皆傷悼不置君有子五人
皆昂昂有丈夫氣其妻與妾呈懇帶勇復仇宮太
保嘉其志而不能允其請君沒後每當日暮遠近
聞呼殺之聲李逆旋退龍孔場越月而卽授首君
衛閭里報

國家之忱殆通於天矣予於省垣晤君朝夕盤桓述其
梗概因得悉君行止祠成鄉人請敘其勞績故書
之如右同治三年歲在甲子春正月 宜賓劉和

春輓詩大星一夜隕精光搔首長呼問彼蒼此日

正深悲往事

去年今日黃道
憲陣亡定遠縣

伊人何又痛偕亡空

餘細柳懷刁斗怕見靈旗奠酒漿莫怪鱗生頻灑

淚滿城婦孺亦悲傷坐擁貔貅盡比隣書生戎馬
盪征塵龍門會記千軍掃虎穴親探百戰身萬姓
同聲憐國士全川無福載斯人傷心記得停車日
緩帶輕裘一縉紳旌旗北轍又南轅整肅軍營棘
道屯神武連番皆戰捷妖氛一夕盡狂奔公於十
三日直
偏賊集三
戰三捷誓同生死悲羣士十五之午公陷泥淖
遇害一時護公死者
十餘願把心肝奉

至尊賊得公心
肝挖去為問西征諸將帥幾人如此報

君恩血淚潛潛莫我公歔歔還為哭時窮奇才不偶原關
命健翻凌霄又阻風直欲孤忠酬遇合敢將成敗
論英雄讀書到此知纔重取義成仁一死中 邑

名山縣志卷三

列傳一

三

貢生龐騰閣輓詩牙旗擲卻陣雲陰裹革終償素
日心師旅英聲腸是鐵乾坤正氣骨如金公於一
死爭終古我竟三生斷自今惆悵忠魂何處弔棲
霞薄暮玉泉沈 知縣胡壽昌輓詩夜半星流作

作芒舞陽營外月淒涼虎牙威失兵三路馬革尸
還夢一場為國捐軀生不恨提戈殺賊死何妨沙
場醉臥人多少青史惟君姓字香四邊曾記盜如
毛誰使狼煙次第消百戰威名令賊懼三年勞績
讓君高謝家風鶴山間草燹將英雄楯上刀幸有
蒙山磐石在蚍蜉何力豈能搖奇才贏得上公知
午夜東南羽檄馳戰士一呼摩賊壘壞雲五日壓

偏師英雄不諱沙場死將帥何須壁上窺八角寨
邊風色惡長歌楚些捲靈旗通哨吟成意自深高
山流水少知音瓌奇雅抱書生氣磊落終存國士
心不愧科名惟第五廿留忠節似湯陰祇今桃李
無顏色珠樹凌霄影已沉

楊廷槐 字樹三庠生性孝友家貧力學教授里黨
爲人有奇氣每與同儔談辯輒唇舞舌飛至論及往
昔艱忠烈節尤激昂慷慨情若不能自己者咸豐之
末滇寇竄蜀鄉兵並起廷槐乃聚族子弟自爲一隊
精自訓練以時禦守勇不避難數戰有功辛酉三月
賊據蒲江廷槐率眾分攻西門大霧中誤中流矢墮
馬被創罵賊而死於書院外當事爲之請卹以其子
昭襲雲騎尉世職

胡壽昌蒙寇志略小傳楊廷槐字樹三邑之諸生
也博學善辯膽氣絕人家貧設館授徒不預外事
族子弟多就之性至孝而於兄廷樑及諸從弟尤
極友愛時滇匪入境乃聚族人自爲一團勤加訓
練以禦外寇鄉里賴之余之初蒞蒙也聞其賢諮
詢地方利弊慷慨直陳不避嫌怨公暇時與講學
討論間及忠孝節烈事必擊節歎賞流連不置每
值有警躬率子弟百人星夜來城候調其勇於任
事如此辛酉三月賊竄踞蒲城余督諸軍糾合隣

圍四路環擊各授方略尅期會勦樹三分攻西門時值嚴寒曉霧瀾漫徧滿山谷不辨南北誤中流矢遂及於難

李玉龍 字□□□貢生家馬鬃嶺滇匪起督集團練數禦賊蒲江之役邛州團長宋華嵩以練丁一千人由乾溪進攻北門樊包以清安軍一千人由陳家營直抵彭榜山進攻南門楊廷槐以其眾七百人由黑竹關進攻西門玉龍則率團勇八百人由一碗水進攻東門南北二路未發而廷槐玉龍勇敢直先玉龍進抵城濠伏賊驟起奮刀手斬數賊揮兵叱進連戰不已身被數十創賊以重圍繞困玉龍奮突落深塹氣窮力憊爲賊斫死玉龍體貌魁偉膽氣絕倫性豪俠好散財周急人多歸之從死者甚眾

蒙寇志略小傳同時有李玉龍者忘其字邑之馬鬃嶺人也早貢成均體魁梧有胆力性多任俠偶有餘資輒散給貧乏人以此義之是日由一碗水進兵甫及城濠伏賊齊起衝殺玉龍手刃數賊膽氣益壯揮兵前進自辰至午連戰數時之久被賊圍困數重奮力衝突陷入深塹身受多傷遇害尤慘其後樹三已得卹典而玉龍屢請不報余故詳述其死難之由以俟後之採風者而贈卹焉

何志純 字默齋邑諸生爲人篤信謹厚研究六經

悉能發其旨要庚申辛酉間滇匪入竄蹂躪井里與
舉人樊包等舉鄉兵復城並堵禦丹稜驟于坡蒲江
彭榜山身冒矢石經數十戰至石逆出境敘功以訓
導用未仕而卒年六十七歲以微疾端坐而逝志純
幼失怙事繼母至孝撫遺弟成立授以田產平居課
子授徒不慕榮利二子俱入庠

高桂 字天香貢生以舉鄉兵平藍逆歷著戰功議
敘教職蒙邑人士小傳性豪邁素有直名見聞博洽
弱冠補弟子員屢試秋闈輒報罷設館授徒說經磴
磴每值籌議公事必與有司力爭公是公非不徇私
曲人亦以此重之

龐騰閣 貢生幼失怙事母孝母有痼疾服侍醫藥
惟謹數十年如一日又友愛其兄兄歿教養猶子皆
能成名生平博通經史頗善詩文

劉澤沅 字芭灣廩生明經仕熙子也少負才名從
遊湘潭王闔運之門學益進研精竭思遂至成疾年
三十餘卒未竟其志先是其仲兄光鑾年十六姿秀
穎藍寇破城爲賊擄去抗義不屈墜巖而死及澤沅
之歿人并惜之

鄭譜例式序康成詩譜其辭具存其圖已亡其存
者穎達所疏之譜是也其亡者歐陽所補之圖是
也孔之所疏文亦歷述各國地理與國年代之所

由而篇幅次第獨未之及歐之所稱有圖十四鄭
總序云欲知源流清濁之所處則循其上下而省
之欲知風化芳臭氣澤之所及則旁門而觀之則
鄭之有圖明矣歐陽修曰初余未見鄭譜嘗略考
春秋史記本紀世家年表爲詩圖十四以補鄭譜
之亡余觀歐氏所補類似完善而實近紛碎斷非
康成之舊竊意詩譜者全詩之綱領也舉一綱而
萬目張解一卷而眾篇明康成之譜意在取便學
者又詩有小序原爲譜所根據詩之要領莫備於
序序之總括莫備於譜學將因譜以知序因序以
知詩事半功倍恆必由之然則詩譜之作鄭當二

三圖可以了之何取十四圖爲也且周召王豳同
出於周小大二雅實爲終始魯雖名頌原本侯國
等之列辟亦不爲降邶鄘風始變何妨揭明檜魏
無世家自當從略不然詩之次第誰不知之作此
非以亂詩也以立譜也以復鄭譜而別歐譜也具
詳列式如左

漢唐成都故城考漢唐之成都城
人多指爲張儀舊城其說雖不足據而亦未盡非
也考漢武十九年廢梁置益益置廣漢之雒縣後
徙成都是成都於漢時爲都會矣常璩志蜀屬縣
六成都郡治郫縣六十里江原百二臨邛二百今
里數悉合惟繁縣九十今祇五十考漢故繁城在

九隴縣東四十里故有九十之說又秦惠王二十七年張儀築成都方廣七里周十二里常璩志張詠創設記數說俱合元鼎二年立成都十八門未嘗言及修城按秦惠距漢元鼎僅一百餘年儀城定未大壞王右軍法帖載諸葛禹云成都城屋樓觀皆司馬錯所修是儀城至晉猶存漢之未嘗修城可知又成都原本二城曰太城曰少城太城又名子城唐咸通中南詔入寇西川民爭走入成都但有子城而無濠乾符三年高駢始帥西川展築羅城周二十五里天成二年孟知祥又築羊馬城周四十二里可見兩漢及唐乾符以前皆承秦舊

城故李石詩序曰張儀司馬錯所築大城自秦惠王乙巳歲至宋紹興壬午一千四百八十七年雖頽圯所存如斷壁峭立今以史事考之吳漢入蜀世祖謂宜安軍七橋連星間吳漢泝流而上進拔廣都廣都今之雙流秋七月吳漢入成都咸通時南詔進軍新津陷雙流遂抵成都蜀世家山行章屯廣都建擊敗之行章走眉州建遂引兵攻成都又敬瑄發兵七萬益行章與建相持濛陽新都卽四面屬縣衡之成都故城所在於今亦非大謬又楊雄賦兩江洱其前左思賦帶二江之雙流淵林注江水出岷山分爲二江經成都東南流宋郡國

志李冰既鑿離堆又開二渠一由永康過新繁入成都謂之外江一由永康過郫入成都謂之內江永康今崇慶州西北六十里地以江水定城故城與今城亦不甚遠又成都古蹟如張儀樓文翁石室楊雄宅杜甫草堂薛濤井摩阿池雖所傳未必無訛當亦不盡乖舛今按成都城原故城而廣狹有異張儀城周十二里當有誤以方圓徑一圍三圍四之法準之方廣七里當得周二十里有奇或十二里上脫有二字亦未可知貞觀十年分成都之東偏蜀縣與成都共治郭下至德二年改蜀郡爲府乾元元年改蜀縣爲華陽今成都府治曰古

名山縣志卷三

列傳一

天府文翁石室昔在城南今在城內成都城當是東北仍舊而西南開拓二里有奇故今方廣爲九里三分也吳漢駐軍七橋市橋乃七橋之一卽今之金華橋去城五里竊意漢承秦七里舊城高駢一恢廓之後人屢加修築遺址遂皆滅沒而故城之所在斷以東北爲信但不能安七橋耳

周公

山懷古詩二首

自注周公山卽蔡山也漢諸葛武侯南征駐節此山夢周公後人遂

更名周公山

蠻荒半壁孰支持兩兩神通夢自知五月

噩風催渡日三年零雨數歸期南征應續東征略

文子真成孔子師

自注周公一稱文子東坡稱孔明爲孔子

我到龍泉

還小憩臥龍龍臥醒何時不怕羊腸路不平瀘江

深入苦先生軍中指畫籌邊策夢裏心傳法

北渚鴻飛朝雨霽南岡龍臥曉煙橫迄今石室空
餘像鐵瓦秋風月自明

孝廉閔銓寄芭灣詩劉

郎年少玉無瑕麗句新詞燦筆花境好功宜深日
月時清才豈老煙霞人生科第原常事我輩文章
要大家好擬龍門雙躍鯉鱣堂共御李膺車

李含貞 字可軒優廩生工詞賦才思藻麗年二十
餘以其遺稿付蒙山寺僧遂卒稿曰槐溪堂稿

錦城曲巴江抱蜀搖寒碧水勢深深幾千尺量來
不及阿儂情望斷江頭欲化石停機無語心如醉
杜鵑之血人之淚頻將數點灑新衣白帝荒城勞

遠寄何時拂得鏡台塵偃月還修翠黛顰望帝不
歸春又暮朝朝愁殺倚樓人

采蓮詞隨波輕泛

木蘭艘采采荷花涉大江怕見鴛鴦相對舞惹人
愁思一雙雙酒船輕逐畫船移才唱揚枝又竹枝
別有芳情渾不解纏綿如結藕中絲野漲新添二
尺餘殘霞散綺水涵虛妾心直似蓮心苦那有閒
心看鯉魚蓮葉蓮根莫浪拋蓮心恰製綠荷包小
鬟能唱江南曲畫漿隨風作板敲

聊園雜興地

僻人難到琴尊絕世緣柴門通徑曲野水抱村圓
種菜春前圃鋤瓜雨後田夕陽松竹外枕石便成
眠老樹高於屋全家住翠微新栽花亂放試羽鳥

爭飛補罅紅蕉嫩侵階綠藥肥與來隨所適稚子
獨牽衣出郭天將晚林稍亂暮鴉人爭孤井水犬
吠小窗花風定炊煙直雲開樹影斜隣翁時聚首
頻與話桑麻避喧防俗客睡起日遲遲自煮盈尊
酒親刪斷句詩課兒披竹簡呼婢整瓜籬剩有餘
功在江干理釣絲閒裏真無事騎牛便出門草蟲
喧野路林鳥鬧晴暎帶葉藤垂樹如雲稻滿村還
家時已暮月色又黃昏新拓三弓地茅亭構此間
種梅權當友疊石學爲山室擁書千軸牆隣水一
灣朔風時凜烈瑞雪滿柴關